


欽定大清會典圖


欽定大清會典圖卷二百二十五

輿地八十七

莎車州圖

涉車州圖一







莎車州圖二

右中


一






莎車州圖三

中南  
一







莎車州圖四

右南

一一





莎車州在省治西南四千七十三里至

京師一萬二千二百二十八里。領縣一。東南葉城。澤普勒善河喀喇烏蘇河皆蔥嶺南河之上源。同出葉城縣南卡拉胡魯木嶺。西北流左納二水。又西流經卜合洛的西岐為二支。其西支西北流至州西南。折北。雀普水出葉城縣西南。西流注之。又北經亮噶爾卡倫西。左納浮拉木沙水。右納阿甫拉克嶺水。又北折東為澤普勒善河。又折而北。受阿加克巴衣水。水出州西南山。北流經金里克西。左納喀楚特河。又北折東新

安水阿拉克水拜加什水合東流注之。又東注澤普勒善河。澤普勒善河又北。有一水自英吉沙爾廳東流來注之。又折而東。經塔什拉卡倫。及和什拉普卡倫北。二小水自依格愛勒克卡倫合東北流注之。經托各沙卡倫南。又東。密爾岱山水出葉城縣西。密爾岱山東北流注之。經通什沙拉衣卡倫南。又東。支渠東北出曰窩蒲渠。水繞州治北而東。入於沙。正渠又東流。經冶南及葉城縣北。入瑪喇巴什廳界。其東支自卜河洛的北流。折東北。經葉城縣廓廈斯莊西。左

納二小水。又東北復左納一小水。東北為聽雜布河。又東經葉城縣治北。為喀喇烏蘇河。玉拉里克水出縣西南。八沙拉嶺北麓。合庫庫雅水。烏巴什河水北流。經縣西來注之。又東左出五支渠。與正渠並北流入瑪喇巴什廳界。哈拉哈什河出葉城縣南。八沙拉嶺南麓。東流經桑株嶺南。又東左納阿其拉滿麻札水。入和闐州界。普下阿孜水亦出縣東南。北流折東。入和闐州界。注於哈拉哈什河。披雅滿水出葉城縣東南。杜哇山東北流。會阿拉塔什麻札西一小水。又

東北歧為二支並入於沙。葉城縣東南一水出桑株嶺。左右各納一水東流經陽阿里克山及桑株卡倫北。至縣東木吉臺入於沙。八沙拉嶺東北麓一水曰達斯滾水東流經拉木倫北。二小水自其北合流注之。又東折北經克里陽卡倫西。歧為二支。一支西流折北入於沙。一支東北流右納弼拉卡倫水復歧為二並入於沙。喀拉蘇河自疏勒州東流入界。經州西北。又東入瑪喇巴什廳界。罕依拉克水自疏勒州疏附縣東北流入界。為哈拉蘇河。又東北入瑪喇巴什


廳界。州東界和闐州。西至北界疏勒州及英吉  
沙爾廳。東北界瑪喇巴什廳。南界巴克達山。


欽定大清會典圖卷二百二十六

輿地八十八

和闐州圖

和闐州圖一







和闐州圖二

左中

一







和闐州圖三

左中

二







和闐州圖四

中北

一







和闐州圖五

左北

一一







和闐州圖六

北左

一 二







和闐州圖七

中南

一







和闐州圖八

左南

一一







和闐州圖九

左南

二一





和闐州在省治西南四千九百二十九里至

京師一萬三千三十八里。領縣一。東于闐和闐河

二源。東源曰玉隴。喀什河。西源曰哈拉喀什河。

玉隴。喀什河。即古樹枝水。一名計式水。出于闐

縣西南伊西里庫爾泊。西北流經州南冰山東。

折北經蘇明介乙哈拉牧場西。又北卡浪古水。

哈拉喀什水。自尼蟒依山東北合流注之。又北

尼沙水。自西南來注之。布牙闐干水。自于闐縣

西流合乙梗嶺水注之。又北經皮素絲山西。切

取水出州西南冰山北麓東北流注之。又東北

鐵領爾哈闌干水自于闐縣西西流注之左出一支曰圖薩拉渠歧為四並入於沙又北左右各出支渠又經州治東玉隴喀什西右出為蘇老提渠經紀雅卡倫及毛拉海子東右出為而秀闌干水並入於沙又北經牙滿布克闌干東折西北當伏什拉什北與哈拉喀什河會哈拉喀什河即古達利水自莎車州葉城縣東流入界經州西南普下阿孜水亦自其縣來東北流注之又東北右納庫布哈嶺水牙拉阿嶺水乙品嶺水胡下提水折東南右納默特司水又折

而北經切底湖木卡倫東。排札拉哇提卡倫西。  
又北左出支渠五。並入於沙。正渠經治西。又東  
北與五隴哈什河會為和闐河。又東北入溫宿  
州界。克里雅河亦出伊西里庫爾泊。東北流經  
于闐縣南。泡洛水東北流注之。又東北經縣治  
南。又北經縣東為克里雅河。又屈曲北流至縣  
北境入於沙。卡牆河出于闐縣東山。東北流。左  
納一小水。又北。右納一小水。又北經吾大其沙  
戈壁東。又北經卡牆東南。折東北流入喀喇沙  
爾廳界為切鐸河。烏魯沙衣河出于闐縣東南

下馬勒山。合一小水西北流。又西北。他拉竿水西北流注之。阿底乙拉改山水合哈拉桔梗山水西北流注之。又北入於沙。哈爾哈什水阿里坦水蘇格得水並在于開縣東。西北流入於沙。密提河在縣東北。北流經小金廠東。合哈拉敏托和巴衣水入於沙。細黑喇水沙衣巴克水達木溝水策勒村水並在于開縣西。東北流入於沙。哈朗歸山即深山。在州南州東及東南界青海。西界莎車州。北界瑪喇巴什廳。南界西藏。東北界喀喇沙爾廳庫車廳溫宿州。


欽定大清會典圖卷二百二十七


輿地八十九

四川省全圖

成都府圖


四川省全圖一






四川省全圖二


中  
右  
一






四川省全圖三


右南  
一一






四川省全圖四

右南  
一一





四川省在


京師西南成都府為省治四川總督布政司共治焉統府十二廳五州八成都府東南資州敘州府瀘州敘永廳重慶府忠州石碛廳酉陽州西南邛州眉州嘉定府雅州府甯遠府東北潼川府緜州龍安府順慶府保甯府綏定府夔州府西北茂州理番廳懋功廳松潘廳岷江出松潘廳東南流經廳治東折南經茂州治西折西經理番廳東南復經茂州西南屈東南至成都府西北右出為邛江左出為沱江為錦江正渠南


流鄰江錦江來會又南經眉州治東又經嘉定府治東大渡河出松潘廳西北曰大金川南流經理番廳及懋功廳西合小金川經雅州西合打箭爐河又經甯遠府北來會又東南經敘州府東會金沙江江上源曰布壘楚河自青海東南流入境經雅州府西屈西南錯入雲南麗江府界無量河出雅州府西南流經甯遠府出界注之金沙江復入境經甯遠府西南鶴籠江亦自青海來經雅州府西甯遠府西南合安甯江來會復錯入雲南武定州界又經甯遠府北流

折東經敘州府治東南與岷江會。為大江。大江  
屈東北經瀘州東南受沱江。大江又東。赤水河  
自貴州境北來注之。又東經重慶府南。綦江亦  
自貴州境北來注之。又東北經重慶府治東會  
嘉陵江。江自陝西鳳翔府南流入境。經保甯府  
北。會白水江南流。左合東河。經順甯府北。右合  
西河。又經重慶府西北。渠江前後中三源。巴江  
東西南三源。合西南流來會。涪江東南流來會。  
又南與大江會。大江又屈曲東北流。烏江自貴  
州思南府來。合芙蓉江注之。又東北經忠州南

石砭廳北。又經夔州府南。又東入湖北宜昌府界。酉水上承白河自湖北施南府西南流入境。經酉陽州東。芭梅河為酉水中源北流來會。又東入湖南永順府界。榮楚河出雅州府西北。合數水西流入西藏界。東至湖北界。西至西藏界。北至甘肅界。南至雲南界。東南至湖南及貴州界。北至青海縣。

成都府圖





成都府為四川省治。至

京師四千七百十五里。領州三縣十三。治成都華陽。西溫江。東南簡州。東北新都。金堂。漢州。什邡。西南雙流。崇慶州。新津。西北新繁。彭縣。郫縣。崇甯。灌縣。岷江自茂州。汶川縣南流入界。經灌縣西北獠澤關。東三江河亦自其縣來。東南流注之。尤溪。白沙河並自其縣來。西南流注之。又經西灌口。曰湔江。亦曰都江。岐為三。南出者為郫江。俗曰南江。東出者為沱江。俗曰外江。其正渠俗曰內江。內江又東南分流。復合再分。再合左。

出支津三。一為徐偃河。東流經崇甯縣南。注錦水河。一經郫縣西北。歧為三。曰曲子河。曰走馬河。夾縣治府治合南流。曰錦江。右納新開河。西南流入眉州彭山縣界。一為新開河。經溫縣北。雙流縣東北。注錦江。岷江南流。經崇慶州東北。為金馬河。左出支津。為楊柳河。並南流。經溫江縣西。至雙流縣西南。合西南流。至新津縣東。羊馬河西河合流來會。羊馬河上流即郫江。自灌口分江水南流。歧為二。左為羊馬河。一名龍安河。即黑石河。右為沙溝河。南流復分。一經崇慶。

州東為白馬河一經州西為西河合小海溝夾  
州治而南合為白西河經新津縣北東南流羊  
馬河自北來會又東南與岷江會岷江又南受  
南河河自邛州東流入界經新津縣西南乾溪  
河溪水河上承西河水合南流注之又東注岷  
江岷江又南左納一水入眉州彭山縣界沱江  
自灌口東流復歧為數支南支曰柏木河經崇  
甯縣西左通太平河右納徐偃河東南流經新  
繁縣南為錦水河又經新都縣南會大小毘橋  
河水至金堂縣南龍泉水北流來注之又東北

至焦沙尾會彌牟水及馬木河水。馬木河上承  
沱江北支東北流。歧為二。曰太平二河。經崇甯  
縣西北。右通柏木河。經縣北。合東流為渡船河。  
彌濠水南流注之。復分數支。一為馬木河。一為  
清白江。及彌牟河。一為督橋河。一為毘橋河。及  
小毘橋河。並東流。經彭縣。新繁。新都。各縣境。至  
金堂縣。焦沙尾會焉。北受縣陽河水。河自縣州  
德陽縣南流入界。經漢州東南。雒水出什邡縣  
西北。洛通山。合鴨子河。白魚河。石亭江來會。又  
東南注沱江。江過金堂峽。南流。是為中江。又東。

南經蘭州東。赤水河即絳溪河東流注之。又南  
流入資州界。青城山在灌縣西南。府東界潼川  
府。西界邛州。南及東南界資州。北及西北界茂  
州。東北界緜州。西南界眉州。